

enim uenia indignus existat: Quisquis peregrinationem ingressus præcipue longiorem si forte in oppidum aliquid illustrius regionemue incidit a mœniore lustrare illam eiusq; gentis quicquid sit: uel usu uel notitia dignum scrutari haud neglexerit. Nam & Thucydides proposito instans: & Herodotus gentes & terras & mores in quos incidit nosse concupiscens nō uterq; in genere suo non laudandus. Orsus sum autem hæc: tum aliis: tum ipsi mihi: Dum equidem non minus turpe existimo patriæ meæ originem ignorare: q̃ si de natalibus meis interroganti respondere nō possim. Nam si. M. Cato sibi gloriæ duxit q; octogenarius & omnibus functus honoribus origines suas in manibus haberet: Quibus populorum initia memoriæ mandaret: cur mihi quoq; eius exemplo patriæ meæ originem actenus omnibus fere ignotam scrutari: & omnibus in lucem dare non liceat: Aggrediemur igitur & nos nostram. Caterum cum Venetiæ Venetiarumq; nomina sæpius nobis sint repetenda: ut omnis nomen tollatur error: illud præmittendum: mediterraneam quidem omnē regionem quæ æstuaria ista circūiacet Venetiam quondam appellaram. Fuisse autem cum in his paludibus nulla erat habitatio præter piscatorias salinariasue casas in Insularum modū propriis quasq; nominibus nuncupatas: Has omnes post Athilæ aduentum excidiumq; Urbium earum quæ æstuaria contingebant frequentius inhabitari captas: & præter propria nomina uniuersas Venetias appellatas. In his fuit Riualtus insula: in quam aliquot post sæcula magnus confluit mortalium numerus: atq; in ea omnium insularum & litorum Vna cum uenetiarum nomine principatus est constitutus. Venetiæq; interdum: Sæpius tamen Venetiæ plurali numero Ciuitas appellata. Eius Urbis originem describere institui mus. Sed prius tamē aliqua de gēte Veneta Deq; Situ ac locorum natura paucis aperiemus: Vt his etiā qui nec uiderūt unq; nec uisuri sunt sola si fieri potest lectione fiat satis.

VENETORVM Gētem satis constat peratiquam: & multorum scriptis celebratam. Persequi singulos non est necesse. Satis fuerit præstātioris Hi de eius origine bifariā sensere. Liuius Enetos: prius dictos ex Paphlagonia Asiæ regione post Troiam incensam amisso rege Phylæmene: Duce Antenore: in hæc intima superi maris stagna classe uenisse auctor est: nomenq; uniuersæ gēti dedisse. Catonem plinius asserit atq; Corenliū nepotem idem sensisse: Venetos ortos stirpe Troiana Et Quintus Curtius Alexandri magni transitum in Asiam describens: huius etiā meminit nominis & gentis. Caterum alii longe ab his abeunt in diuer

Enetj uen anton diti